



**Republika e Kosovës**  
Republika Kosovo / Republic of Kosovo  
**Kuvendi i Komunës Rahovec**  
Skupština Opštine Orahovac / Municipal Assambly of Rahovec



<b>Referencë:</b>	Vendimi i Kuvendit të Komunës së Rahovecit për Themelimin e Komitetit për Shëndetësi dhe Përkujdesje Sociale 01 Nr. 326/22 i dates 31.05.2022 Udhëzimi Administrativ (MPL) nr. 05/2020 për Procedurën e Themelimit, Përbërjen dhe Kompetencat e Komiteteve të Përhershme dhe Komiteteve tjera në Komunë
<b>Për:</b>	Kuvendin e Komunës së Rahovecit
<b>Cc:</b>	Kryesuesi i Kuvendit të Komunës në Rahovec z.Arbër Zenuni
<b>Përmes:</b>	Kryesueses së Komitetit për Shëndetësi dhe Përkujdesje Sociale znj. Vlora Vuçitërna
<b>Nga:</b>	Anëtarët e Komitetit për Shëndetësi dhe Përkujdesje Sociale: 1. Vlora Vuçitërna 2. Shukrije Himaj 3. Lirigzon Kastrati 4. Zana Omega 5. Armir Vuçitërna
<b>Lënda:</b>	<b>Raporti Vjetor i Punës së Komitetit për Shëndetësi dhe Përkujdesje Sociale për vitin 2024</b>
<b>Data:</b>	<b>20/01/2025</b>

Të nderuar anëtarë të Kuvendit të Komunës së Rahovecit,  
I nderuari Kryesues i Kuvendit,

Në pajtim me Udhëzimin Administrativ të (MPL) nr. 05/2020 për Procedurën e Themelimit, Përbërjen dhe Kompetencat e Komiteteve të Përhershme dhe Komiteteve tjera në Komunë, konkretisht neni 16 pika 3 të po këtij udhëzimi administrativë dhe akteve tjera ligjore të Komunës së Rahovecit, Kuvendit të Komunës ia dorëzojmë raportin vjetor të punës së komitetit për shëndetësi dhe përkujdesje sociale për vitin 2024.

## **Raport mbi punën e deritanishme të Komitetit për Shëndetësi dhe Përkujdesje Sociale JANAR-DHJETOR 2024**

Te nderuar anëtarë të Kuvendit Komunal

Komiteti për Shëndetësi dhe Përkujdesje Sociale është themeluar me vendimin 01 Nr. 326/22 i dates 31.05.2022 të Kuvendit të Komunës së Rahovecit.

Komiteti për Shëndetësi dhe Përkujdesje Sociale ka këtë përbërje si vijon:

1. Vlora Vuçitërna Omega , anëtare nga subjekti politik LVV , Kryesuese e Komitetit
2. Shukrije Himaj, anëtare nga subjekti politik AAK
3. Lirigzon Kastrati, anëtar nga subjekti politik LDK
4. Zana Qmega, shoqëria civile( eksperte e jashtme)
5. Armir Vuçitërna, anëtar nga subjekti politik PDK

### **Komiteti për Shëndetësi dhe Përkujdesje Sociale është përgjegjës për fushat që lidhen me kujdesin parësor shëndetësor:**

Përkujdeset për zbatimin e shërbimeve për kujdesin parësor shëndetësor në komunë.

Shqyrton propozimet e drejtorit të QKMF-së dhe të Entit për Emergjencë nëpërmjet DSHPS.

Shqyrton buxhetin për sektorin e Shëndetësisë dhe ia dorëzon atë Komitetit për Politikë dhe Financa dhe Kuvendit për miratim.

Shqyrton dhe jep propozime dhe sugjerime për projekt-planin vjetor të punës, të përgatitur nga Drejtoria e Shëndetësisë dhe Përkujdesjes Sociale.

Shqyrton raportin vjetor, të përgatitur nga Drejtoria e Shëndetësisë dhe Përkujdesjes Sociale dhe mund të propozojë ndryshime ose plotësime dhe t'ia dërgojë KPP – së dhe Kuvendit për miratim.

Shqyrton dhe propozon programe për mbështetjen komunale grupeve të varfra të njerëzve (invalidët e luftës, viktimat e dhunës familjare, fëmijët jetimë, të pastrehët, të rikthyerit, pensionistët etj.) dhe propozon masa përkatëse.

Mbështet Drejtorinë në ushtrimin e kompetencave dhe detyrave në lidhje me strehimin.

Vlerëson propozimet e drejtorisë për strategjitë dhe planet e strehimit, duke përfshirë ndërtimin e shtëpive, renovimin e tyre si dhe mënyrën e shfrytëzimit të tyre për këto qëllime.

Shqyrton programet, në raste emergjente, për strehim të refugjatëve, planet dhe zgjidhjet emergjente për fluksin e refugjatëve dhe rikthimin në vendet e tyre.

***Komiteti për Shëndetësi dhe Përkujdesje Sociale gjatë vitit 2024 ka mbajtur 5 (pesë) takime të rregullta.***

Mbledhja e parë e Komitetit për Shëndetësi dhe Përkujdesje Sociale për vitin 2024 është mbajtur me datë 28 Mars 2024 ku ndër pikë e rendit të ditës ishte shqyrtimi i planit të veprimit i këtij komiteti për vitin 2024. Gjatë këtij takimi anëtarët e komitetit vendosën që gjatë vitit 2024 ti mbajnë këto vizita:

1. Vizitë në QMF, në Optrushë
2. Vizitë në AMF, në Brestoc
3. Vizitë në QMF në Fortesë
4. Vizitë QMF në Drenoc
5. Takim me u.d drejtorit të QKMF-se në Rahovec, me Drejtorin e QPS në Rahovec, Drejtorin e Hendikos në Rahovec
6. Vizitë në Qendrën për punë sociale në Rahovec
7. Vizitë në shtëpinë e të moshuarve në Rahovec

Mbledhja e dytë e komitetit për shëndetësi dhe përkujdesje sociale u mbajtë me datë 30 Prill 2024. Pikë e rendit të ditës ishte vizitë ne Qendrën e Mjekësisë Familjare ne Optrushë ku u pritën nga stafi shëndetësor. Kjo qendër ofron shërbime nga mjeku familjar, Stomatologu dhe nga Infermeret. Gjatë takimit diskutuam rreth nevojave dhe kërkesave të kësaj qendre. Kërkesë kryesore e tyre ishte higjiena pasi qe kjo qendër pastrohet njëherë në dy javë, pastaj edhe përkunder intervenimit ende ne kete qendër ka lageshti ku stafit I pamundësohet të punoj pasi që kundërmon erë jo e mire duke ju rrezikuar edhe shëndetin. Sfidë me te cilet perballet kjo qendër është mungesa e barnave dhe produkteve higjienike. Kjo qendër gjatë gjithë vitit ishte pa kryeshef.

Vizita tjetër ishte në AMF në fshatin Brestoc, nga vizita qe kemi patur kjo AMF ishte e mbyllur dhe nuk ofroheshin shërbime shëndetsore per banorë, poashtu edhe objekti ishte ne gjendjen jo te duhur te mirëmbajtjes.

Mbledhja e tretë e Komitetit per Shëndetësi dhe Përkujdesje Sociale është mbajtur me datë 28 Qershor 2024 ku ndër pikë e rendit te ditës ishin vizitë në QMF - Fortesë dhe QMF - Drenoc. Gjatë vizitës në QMF në Fortesë së bashku me anëtarë tjerë të komitetit u takuam me dr. Qazim Duraku, pasi qe stafi shëndetësor ishte nga Krusha e Madhe per shkak qe objekti I QMF ne Krushe është në renovim.

Gjate vizitës ne QMF ne Fortesë kjo qendër ishte në gjendje jo te duhur te pastërtisë dhe te shërbimeve pasi qe aparati i analizave ishte jashtë funksionit dhe qytetareve nuk ju ofrohet ky shërbim. Sfidat me te cilat perballej stafi gjate punës se tyre eshte mungesa e barnave sidomos disa ilaqeve per femijë dhe mungesa e produkteve higjienike përkunder vullnetit te madh qe kane per pune, si dhe problem me ndriçim ne disa dhoma ku kryhen intervenime te vogla.


Pas kesaj vizite komiteti vazhdoi vizitën në QMF ne Drenoc ku u mirëpritë nga stafi shendetësor. Kërkesë kryesore e stafit ka qenë qe te gjindet nje mënyre per furnizim te barnave pasi qe ne kete fshat nuk ka barnatore dhe pacientët detyrimisht po obligohen qe vizitat ti kryen ne QKMF ne Rahovec, pastaj largimi i disa mbetjeve shendetsore nga COVID 19 qe te asgjesohen nga objekti I QMF-së si dhe mungesa e barnave esenciale kerkese e vazhdueshme.

Mbledhja e radhës me anetarë te komitetit eshte mbajtur me 30 shtator. Gjate kesaj mbledhje u diskutuan rreth temave te ndryshme ku pikë e rendit te dites ishin:

1. Aprovimi i procesverbalit nga mbledhja e kaluar;
2. Informatë nga DShPS-ja rreth furnizimi të barnave në QKMF;
3. Informatë nga QPS-ja rreth aktiviteteve për periudhën 9-mujore;
4. Informatë rreth aktiviteteve dhe sfidave nga shoqata Hendikos në Rahovec.

Gjate ketij takimi u njoftuam nga zyrtaret përgjegjës të QKMF-së ud. Drejtorit Elbunit Kryeziu rreth furnizimit me barna, nga perfaqesues I QPS-së Refki Popaj, dhe nga perfaqesuesi I Hendikosit Selman Shtavica rreth kërkesave dhe nevojave të institucioneve përkatëse duke perfshirë, furnizimet me barna per QMF , rastet e trajtuar nga QPS deri ne shtator te vitit 2024 si dhe nevojat dhe kerkesat e shoqates Hendikos.

Mbledhja e pestë e komitetit u mbajt 20 dhjetor 2024. Gjatë kesaj mbledhje komiteti vizitoi Qendrën per Punë Sociale ne Rahovec ku u pritëm nga Gonita Mustafa udhëheqëse e Sherbimeve Sociale ku u njoftuam me shërbimet qe ofrohen dhe rastet qe I trajton kjo qendër. Vizita tjeter ishte ne Shtepine e te Moshuarve ne Rahovec ku nga vizita qe e bëmë rezultoi te jete e mbyllur dhe nuk patem mundesi te diskutojmë me asnjë pergjegjës ne kete shtepi.



Në mbështetje të nenit 12, paragrafi 12.2 shkronja (d), nenit 17, nenit 40, nenit 51 paragrafi 51.2 të Ligjit Nr.03/L-040 për Vetëqeverisjen Lokale ("Gazeta zyrtare e Republikës së Kosovës Nr.28/2008"), nenit 14 të Udhëzimit Administrativ (MPL) Nr. 05/2020 për procedurën e themelimit, përbërjen dhe kompetencat e komiteteve të përhershme dhe komiteteve tjera në Komunë, nenit 10 paragrafi 1 dhe paragrafi 2 pika 2.4, nenit 34 dhe nenit 40 të Statutit të Komunës së Rahovecit Nr. 1005 i datës 29.03.2017, konform Vendimit të Kuvendit të Komunës në Rahovec 01. Nr. 324/22 i datës 31.05.2022, Kuvendi i Komunës së Rahovecit në mbledhjen e mbajtur me datë 31.05.2022 merr këtë:

#### V E N D I M

##### Për përbërjen dhe organizimin e Komitetit për Shëndetësi dhe Përkujdesje Sociale

1. Me këtë vendim caktohet përbërja dhe organizimi i Komitetit për Shëndetësi dhe Përkujdesje Sociale në Komunën e Rahovecit.
2. Komiteti i caktuar sipas pikës 1 të këtij vendimi përbëhet nga 5 (pesë) anëtar, ku shumica e anëtarëve përbëhet nga anëtarët e kuvendit si dhe duhet të reflektojë përbërjen e Kuvendit të Komunës dhe përfaqësuesit jashtë kuvendit të Komunës që janë ekspert të fushës përkatëse.
3. Komiteti për Shëndetësi dhe Përkujdesje Sociale në Komunën e Rahovecit ka këtë përbërje:
  - 3.1. Shukrije Himaj AAK;
  - 3.2. Vlora Vuçitërma LVV;
  - 3.3. Lirigzon Kastrati LDK;
  - 3.4. Amir Vuçitërma PDK;
  - 3.5. Edmond Kabashi ekspert i jashtëm;
4. Detyrat dhe përgjegjësitë e Komitetit për Shëndetësi dhe Përkujdesje Sociale janë të përcaktuara në Ligjin Nr.03/L-040 për Vetëqeverisjen Lokale dhe Udhëzimin Administrativ (MPL) Nr. 05/2020 për procedurën e themelimit, përbërjen dhe kompetencat e komiteteve të përhershme dhe komiteteve tjera në Komunë.
5. Mandati i anëtarëve të Komitetit për Shëndetësi dhe Përkujdesje Sociale është i lidhur me mandatin e anëtarëve të Kuvendit të Komunës.
6. Pas miratimit nga Kuvendi i Komunës së Rahovecit, ky vendim hyn në fuqi 15 ditë pas dërgimit në autoritetin mbikëqyrës MAPL-së dhe 7 ditë pas publikimit në ueb-faqen e Komunës.

Vendimi u dërgohet:

- MAPL-së, dhe
- Arkivit.

KUVENDI I KOMUNËS NË RAHOVEC

01-Nr.326/22  
Me datë:31.05.2022

